



Broj: 02-05-973-1/16  
Sarajevo, 18.01.2016. godine

Na osnovu člana 26. i 28. stav 4. Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 – Ispravka), Vlada Kantona Sarajevo na **17. vanrednoj sjednici** održanoj **18.01.2016.** godine, donijela je sljedeći

## ZAKLJUČAK

1. Utvrđuje se Prijedlog zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo.
2. Predlaže se Skupštini Kantona Sarajevo da donese zakon iz tačke 1. ovog zaključka po skraćenom postupku, u skladu sa članom 158. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13).

**PREMIJER**

**Elmedin Konaković**

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo pravde i uprave Kantona Sarajevo
5. Ministarstvo finansija
6. Evidencija
7. Arhiva



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1



Bosna i Hercegovine  
Federacija Bosne i Hercegovine  
KANTON SARAJEVO  
VLADA

**ZAKON  
O IZMJENAMA I DOPUNAMA ZAKONA O ORGANIZACIJI I  
DJELOKRUGU ORGANA UPRAVE I UPRAVNIH  
ORGANIZACIJA KANTONA SARAJEVO  
(PRIJEDLOG)**

**Nosilac izrade:  
Ministarstvo pravde i uprave**

Sarajevo, decembar 2015.godine

Na osnovu člana 18.tačka b) i člana 30. stav 2. Ustava Kantona Sarajevo ("Službene novine Kantona Sarajevo", br. 1/96, 2/96-Ispravka, 3/96-Ispravka, 16/97, 14/00, 4/01, 28/04 i 6/13) i člana 46. u vezi sa članom 73. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj 35/05), Skupština Kantona Sarajevo na \_\_\_\_sjednici od \_\_\_\_\_2015. godine, donijela je

**PRIJEDLOG**

## **ZAKON O IZMJENAMA I DOPUNAMA ZAKONA O ORGANIZACIJI I DJELOKRUGU ORGANA UPRAVE I UPRAVNIH ORGANIZACIJA KANTONA SARAJEVO**

Član 1.

(Izmjena člana 15.)

(1) U Zakonu o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12-Prečišćeni tekst i br. 41/12 i 8/15), u članu 15. stav (1) mijenja se i glasi:

„(1) Ministarstvo za obrazovanje, nauku i mlade vrši upravne i stručne poslove utvrđene ustavom, zakonom i drugim propisima koji se odnose na ostvarivanje nadležnosti Kantona u oblasti obrazovanja i nauke i oblasti stvaranja i provođenja politike prema mladima, kao i poslove prosvjetne inspekcije, u skladu sa zakonom.“

(2) St. (2) i (3) brišu se.

Član 2.

(Prestanak rada Prosvjetno-pedagoškog zavoda u sastavu  
Ministarstva za obrazovanje, nauku i mlade)

Prosvjetno-pedagoški zavod u sastavu Ministarstva za obrazovanje, nauku i mlade prestaje s radom danom stupanja na snagu ovog zakona.

Član 3.

(Izmjena člana 20.)

U članu 20. stav (2), u tački m) iza riječi: „inspekcija“ stavlja se tačka, a slovo „i“ i tačka n) brišu se.

Član 4.

(Preuzimanje državnih službenika i namještenika, poslova,  
arhive, dokumentacije i sredstava rada Prosvjetno-pedagoškog zavoda)

Danom stupanja na snagu ovog zakona, Ministarstvo za obrazovanje, nauku i mlade preuzima državne službenike i namještenike, poslove, arhivu, dokumentaciju i sredstva rada ukinutog Prosvjetno-pedagoškog zavoda.

Član 5.

(Preuzimanje državnih službenika i namještenika, poslova, arhive, dokumentacije i sredstava  
rada prosvjetne inspekcije iz sastava Kantonalne uprave za inspekcijske poslove)

Danom stupanja na snagu ovog zakona, Ministarstvo za obrazovanje, nauku i mlade preuzima državne službenike i namještenike, poslove, arhivu, dokumentaciju i sredstva rada prosvjetne inspekcije iz sastava Kantonalne uprave za inspekcijske poslove.

Član 6.

(Usklađivanje pravilnika o unutrašnjoj organizaciji  
Ministarstva za obrazovanje, nauku i mlade)

U roku od 30 dana od stupanja na snagu ovog zakona, ministar za obrazovanje, nauku i mlade dužan je uskladiti Pravilnik o unutrašnjoj organizaciji Ministarstva za obrazovanje, nauku i mlade sa djelokrugom utvrđenim ovim zakonom.

Član 7.

(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Kantona Sarajevo“.

Broj: \_\_\_\_\_

Sarajevo, \_\_\_\_\_

PREDSJEDATELJICA  
SKUPŠTINE KANTONA SARAJEVO

Prof. Ana Babić

# O B R A Z L O Ž E N J E

## PRAVNI OSNOV

Pravni osnov za donošenje ovog zakona sadržan je u odredbama 18.tačka b) i člana 30. stav 2. Ustava Kantona Sarajevo, kojim je utvrđena zakonodavna funkcija Skupštine Kantona, kao i da se zakonom Kantona, u skladu s načelima i principima organizacije uprave, utvrđuje ukupna organizacija kantonalne uprave, te člana 46. Zakona o organizaciji organa uprave u Federaciji Bosne i Hercegovine, kojim je utvrđeno da se kantonalni organi uprave i kantonalne upravne organizacije osnivaju i ukidaju i njihov djelokrug utvrđuje kantonalnim zakonom o organizaciji i djelokrugu kantonalnih organa uprave i upravnih organizacija, u vezi sa članom 73.tog zakona, kojim je propisano postupanje u slučaju ukidanja jednog, a osnivanja drugog organa uprave ili upravne organizacije.

## RAZLOZI DONOŠENJA

Zaključkom Vlade Kantona Sarajevo broj 02-05-20964-12/15 od 04.08.2015. godine je prihvaćena inicijativa ministarstva za obrazovanje, nauku i mlade Kantona Sarajevo za izmjenu Zakona o organizaciji organa uprave i upravnih organizacija Kantona Sarajevo i zaduženo je Ministarstvo pravde i uprave Kantona Sarajevo da, u skladu sa navedenom inicijativom, pripremi tekst izmjena Zakona o organizaciji i djelokrugu organa uprave i upravnih organizacija Kantona Sarajevo.

U vezi gore navedenog, ovo ministarstvo je pristupilo izradi zakona i pripremila Zakon o izmjenama i dopunama Zakona o organizaciji organa uprave i upravnih organizacija koji se odnose na regulisanje pravnog statusa Prosvjetno-pedagoškog zavoda u sastavu Ministarstva za obrazovanje, nauku i mlade (u daljem tekstu: PPZ) kao i preuzimanje poslova Prosvjetne inspekcije iz sastava Kantonalne uprave za inspekcijske poslove.

Regulisan je prestanak rada PPZ kao upravne organizacije u sastavu ministarstva, propisana je obaveza preuzimanja državnih službenika i namještenika, poslova, dokumentacije i sredstava rada PPZ i prosvjetne inspekcije iz sastava Kantonalne uprave za inspekcijske poslove čije će poslove dalje nastaviti obavljati ministarstvo, kao i obaveza ministra za obrazovanje nauku i mlade da uskladi pravilnik o unutrašnjoj organizaciji Ministarstva sa djelokrugom utvrđenim ovim zakonom.

## PRAVNA RJEŠENJA

**Član 1.** – U članu 15. stav (1) mijenja se i uvodi prosvjetna inspekcija u poslove ministarstva, dok se st. (2) i (3) brišu, odnosno ukida se PPZ i briše se njegova nadležnost.

**Član 2.** – Propisuje se prestanak rada PPZ-a danom stupanja na snagu ovog zakona.

**Član 3.** – Ovim članom briše se prosvjetna inspekcija iz sastava Kantonalne uprave za inspekcijske poslove.

**Član 4.** – Ovim članom se propisuje preuzimanje državnih službenika i namještenika, poslova, arhive, dokumentacije i sredstava rada ukinutog PPZ-a od strane Ministarstva za obrazovanje, nauku i mlade.

**Član 5.** - Ovim članom se propisuje preuzimanje državnih službenika i namještenika, poslova, arhive, dokumentacije i sredstava rada prosvjetne inspekcije iz sastava Kantonalne uprave za inspekcijske poslove.

**Član 6.** – Ovim članom se propisuje usklađivanje Pravilnika o unutrašnjoj organizaciji Ministarstva za obrazovanje, nauku i mlade sa djelokrugom utvrđenim ovim zakonom u roku od 30 dana od početka od stupanja na snagu ovog zakona.

**Član 7.** – Propisuje se uobičajeni rok za stupanje na snagu Zakona.

## **NAČIN DONOŠENJA ZAKONA**

Predlaže se donošenje ovog zakona po skraćenom postupku, u skladu sa članom 158. Poslovnika Skupštine ("Službene novine Kantona Sarajevo", broj 41/12-Drugi novi prečišćeni tekst i br. 15/13 i 47/13), jer nije složen i obiman zakon.

## **POTREBNA FINANSIJSKA SREDSTVA**

Za provođenje ovog zakona nisu potrebna uvećana finansijska sredstva od planiranih u Budžetu Kantona Sarajevo za 2015. godinu, s obzirom da se ukida Prosvjetno-predagoški zavod, kao upravna organizacija u sastavu ministarstva, te se preuzimaju državni službenici i namještenici koji su bili zaposleni u Zavodu, te postaju državni službenici i namještenici Ministarstva za obrazovanje, nauku i mlade Kantona Sarajevo.

Također, preuzimaju se državni službenici i namještenici prosvjetne inspekcije iz sastava Kantonalne uprave za inspekcijske poslove i postaju državni službenici Ministarstva, te neće doći do uvećanja finansijskih sredstava obzirom da su sredstva za ove državne službenike i namještenike planirana u Budžetu Kantona Sarajevo, namjenjena za Kantonalnu upravu za inspekcijske poslove, odnosno potrebno je izvršiti preraspodjelu sredstava iz Budžeta Kantona Sarajevo.



28-10-2015

29-10-2015

KANTON SARAJEVO  
Ured za zakonodavstvo  
Vlade Kantona Sarajevo

KANTON SARAJEVO  
Office for legislature of Sarajevo Canton  
Government

07  
1914

Broj: 09-02-27900/15  
Sarajevo, 27.10.2015. godine

KANTON SARAJEVO  
MINISTARSTVO PRAVDE I UPRAVE

**PREDMET: Stručno mišljenje na prijedlog Zakona o izmjeni i dopunama Zakona o organizaciji i djelokrugu organa uprave i upravnih organizacija Kantona Sarajevo.-**

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst, 30/11-Ispravka i 23/15), Ured za zakonodavstvo Vlade Kantona Sarajevo, daje slijedeće

**MIŠLJENJE**

1. Ured za zakonodavstvo Vlade Kantona Sarajevo nema primjedbi na dostavljeni prijedlog Zakona o izmjeni i dopunama Zakona o organizaciji i djelokrugu organa uprave i upravnih organizacija Kantona Sarajevo, iz razloga što je u isključivoj nadležnosti Vlade odnosno Skupštine Kantona Sarajevo da donese konačan stav po pitanju predloženih pravnih rješenja iz čl. 1., 2. i 3. prijedloga Zakona.

Pravni osnov za donošenje prijedloga Zakona sadržan je u odredbama čl. 46. i 73. Zakona o organizaciji organa uprave u Federaciji Bosne i Hercegovine, ("Službene novine Federacije Bosne i Hercegovine", broj: 35/05).

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst, 30/11-Ispravka i 23/15), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



SEKRETAR

Ahmed Ljubović, dipl.pravnik



web: <http://uz.ks.gov.ba>  
e-mail: [ured@ks.gov.ba](mailto:ured@ks.gov.ba)  
Tel/fax: +387 (0) 33 560-448  
Sarajevo, Hamida Dizdara 1





Broj:08-01-02-27899/15  
Sarajevo, 22.10.2015. god.

**MINISTARSTVO PRAVDE I UPRAVE**  
**KANTONA SARAJEVO**  
**O v d j e**

**PREDMET: Mišljenje**

Veza vaš broj: 03-04-02-27844/15 od 21.10.2015.god

U skladu sa članom 3. stav(4) Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, br. 21/11- Novi prečišćeni tekst i 30/11), po zahtjevu Ministarstva pravde i uprave Kantona Sarajevo za mišljenje na Prijedlog zakona o izmjeni i dopunama Zakona o organizaciji i djelokrugu organa uprave i upravnih organizacija Kantona Sarajevo- skraćeni postupak dajemo slijedeće mišljenje:

U Budžetu Kantona Sarajevo za 2015. godinu, u razdjelu Ministarstva za obrazovanje, nauku i mlade planirana su sredstva za finansiranje zaposlenih u Prosvjetno- pedagoškom zavodu.

U Budžetu Kantona Sarajevo za 2015. godinu, u razdjelu Kantonalne uprave za inspeksijske poslove planirana su sredstva za finansiranje zaposlenih Prosvjetne inspekcije.

Za provođenje zakona o izmjeni i dopunama Zakona o organizaciji i djelokrugu organa uprave i upravnih organizacija Kantona Sarajevo nisu potrebna dodatna sredstva u Budžetu Kantona Sarajevo za 2015. godinu, jer u obrazloženju Prijedloga zakona Ministarstvo pravde i uprave navodi da se ukida Prosvjetno–pedagoški zavod, kao upravna organizacija u sastavu Ministarstva za obrazovanje, nauku i mlade, te da ovo ministarstvo preuzima državne službenike i namještenike koji su bili zaposleni u Zavodu i isti se i dalje finansiraju iz planiranih sredstava sa razdjela Ministarstva za obrazovanje, nauku i mlade.

Kako je prijedlogom zakona propisano da će stupanjem na snagu istog Ministarstvo za obrazovanje , nauku i mlade preuzeti državne službenike i namještenike iz Kantonalne uprave za inspeksijske poslove- Prosvjetna inspekcija, u Budžetu Kantona za 2015. godinu potrebno je izvršiti preraspodjelu sredstava za finansiranje Prosvjetne inspekcije sa razdjela Kantonalne uprave za inspeksijske poslove u razdio Ministarstva za obrazovanje , nauku i mlade, ovim se ne bi povećali ukupni rashodi planirani Budžetom za 2015. godinu.

Pripremila- Avdić



**MINISTAR**  
*[Handwritten signature]*  
**Prof.dr Jasmin Halebić**



web: <http://mf.ks.gov.ba>  
e-mail: [mf@mf.ks.gov.ba](mailto:mf@mf.ks.gov.ba);  
Tel: + 387 (0) 33 565-005, Cent.+ 387 (0) 33 565-000  
Fax: + 387 (0) 33 565-052 i 565-048  
Sarajevo, Maršala Tita 62





## **PRILOZI**

### **ODREDBE ZAKONA KOJE SE MIJENJAJU:**

#### **ZAKON O ORGANIZACIJI ORGANA UPRAVE I UPRAVNIH ORGANIZACIJA KANTONA SARAJEVO**

**(„Službene novine Kantona Sarajevo“, 2/12-Prečišćeni tekst i br. 41/12 i 8/15)**

*(Kompilirani tekst)*

Član 15.

(Ministarstvo za obrazovanje, nauku i mlade)

(1) Ministarstvo za obrazovanje, nauku i mlade vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti obrazovanja i nauke i oblasti stvaranja i provođenja politike prema mladima, u skladu sa zakonom.

**(2) U sastavu Ministarstva za obrazovanje, nauku i mlade je Prosvjetno-pedagoški zavod.**

**(3) Prosvjetno-pedagoški zavod vrši stručne i s njima povezane upravne poslove utvrđene zakonom i drugim propisima, koji se odnose na ostvarivanje nadležnosti Kantona u oblasti predškolskog, osnovnog i srednjeg obrazovanja.**

Član 20.

(Kantonalna uprava za inspeksijske poslove)

(1) Kantonalna uprava za inspeksijske poslove vrši inspeksijske poslove iz nadležnosti kantonalnih inspekcija koje su organizovane u njenom sastavu i druge upravne i stručne poslove, u skladu sa zakonom i drugim propisima.

(2) Kantonalne inspekcije u sastavu Kantonalne uprave za inspeksijske poslove su:

- a) tržišno - turistička inspekcija (tržna inspekcija i turističko-ugostiteljska inspekcija);
- b) zdravstvena inspekcija;
- c) farmaceutska inspekcija;
- d) sanitarna inspekcija;
- e) inspekcija rada (inspekcija rada, inspekcija zaštite na radu i inspekcija socijalne zaštite);
- f) urbanističko-ekološka inspekcija (urbanističko-građevinska inspekcija, inspekcija zaštite okoliša, inspekcija zaštite prirode i inspekcija za zaštitu dobara baštine);
- g) saobraćajna inspekcija (inspekcija drumskog saobraćaja i inspekcija za ceste),
- h) poljoprivredna inspekcija;
- i) šumarsko-lovna inspekcija
- j) vodna inspekcija;
- k) veterinarska inspekcija;
- l) tehnička inspekcija (elektroenergetska inspekcija, termoenergetska inspekcija, rudarska inspekcija i geološka inspekcija);
- m) komunalna inspekcija i
- n) prosvjetna inspekcija.**

## **DRUGI RELEVANTNI PROPISI**

### **USTAV KANTONA SARAJEVO**

**(“Službene novine Kantona Sarajevo”, br. 1/96, 2/96-Ispravka, 3/96-Ispravka, 16/97, 14/00, 4/01, 28/04 i 6/13)**

#### **Član 18. b).**

Skupština Kantona:

b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;

#### **Član 30. stav 2.**

Zakonom Kantona, sukladno načelima i principima organizacije uprave, utvrđuje se ukupna organizacija kantonalne uprave.

### **ZAKON O ORGANIZACIJI ORGANA UPRAVE U FEDERACIJI BOSNE I HERCEGOVINE**

**(“Službene novine FBiH, broj 35/05)**

#### **Član 46.**

Kantonalni organi uprave i kantonalne upravne organizacije osnivaju se i ukidaju i njihov djelokrug utvrđuje kantonalnim zakonom o organizaciji i djelokrugu kantonalnih organa uprave i upravnih organizacija, u skladu sa ovim Zakonom i kantonalnim zakonom.

#### **Član 73.**

Ako dođe do ukidanja organa uprave ili upravne organizacije, ili do prenošenja određenih poslova iz nadležnosti jednog organa uprave ili upravne organizacije u nadležnost drugog organa uprave ili upravne organizacije, u tom slučaju organ uprave ili upravna organizacija koji preuzima poslove ukinutog organa, odnosno koji preuzima određene poslove iz nadležnosti drugog organa ili upravne organizacije, preuzima i državne službenike i namještenike koji su radili na tim poslovima do dana ukidanja organa, odnosno do dana prenošenja poslova.

Radno-pravni status državnih službenika i namještenika iz stava 1. ovog člana rješava se prema pravilniku o unutrašnjoj organizaciji organa uprave i upravne organizacije koji preuzimaju poslove ukinutog organa uprave i upravne organizacije, odnosno određene poslove iz nadležnosti drugog organa uprave ili upravne organizacije. Pitanje prekobrojnih državnih službenika i namještenika rješava se prema zakonu kojim je reguliran radno-pravni status državnih službenika, odnosno namještenika.